

Ohcanvuđot ortnega njuolggadusat 2016 – kulturdoaimbajut

Njuolggadusaid ulbmilin lea addit deavddamearrádusaid Sámedikki bušehtii.

Mihttomearit ja ulbmilolahusa eavttut

Mihtto:

Buorre ja mánggabealat dáidda- ja kulturilbmanepmi mii mielddisbuktá sámi girjáivuođa

Ulbmilolahusa eavttut:

Čađahit doaimbajuid prošeaktaplána vuodul

Hálddašeapmi:

Doarjjahálddašeapmi galgá dávistit Stáhta ekonomijastivrema njuolggadusaide, ja Sámedikki bušehtii.

Sámedikki dievasčoahkkin mearrida juolludeami jahkásaččat Sámedikki bušehta bokte ja sáhtá válljet ángiruššansurggiid.

Sámediggi hálddaša ohcanvuđotortnegiid hálddahuslága vuodul.

Ovttaskas mearrádusaid mat lea dahkkojuvvon dáid njuolggadusaid mielde sáhtá váidit Sámedikki váiddalávdegoddái, gč. hálddahuslága § 28.

Sámediggi almuha doarjagiid Stáhta ekonomijastivrema njuolggadusaid mielde.

Doarjjaoažžut/Geat sáhttet ohcat

- Fitnodagat
- Organisašuvnnat
- Ovttaskasolbmot

Fitnodagat, ásahusat ja organisašuvnnat mat ožžot dorjaga, galget leat registrerejuvvon Norgga Ovttatregistarii. Ovttaskasolbmot galget almmuhit Norgga personnummira ja duođaštit dárbašlaš fágalaš gelbbolašvuoda ohccojuvvon proševtta suorggis. Doarjja ii addojuvvo olgoriikka fitnodagaide mat leat registrerejuvvon Norggas (NUF). Gielddain ja stáhtaásahusain ii leat vuoigatvuohta oažžut dorjaga.

Ohcanáigemearri:

li leat ohcanáigemearri.

Gáibádusat ohcamii:

Ohcamis galget leat buot dat dieđut mat gáibiduvvojit Sámedikki ohcanskovis.

Doarjjaohcan galgá leat beaiváduvvon ja vuolláičállojuvvon. Sus guhte vuolláičállá ohcama, galgá leat fápmudus geatnegahttit fitnodaga. Ohcan berre devdojuvvot Sámedikki ohcanskovái.

Ohcci galgá addit Sámediggái buot dieđuid mat leat dárbašlaččat vai sáhtá meannudit ohcama, dása gullet maid dieđut vejolaš eará almmolaš doarjagiid birra.

Buot prošeavttain galgá leat bušeahtta mii čájeha gollomeroštusa mii čatnas doaibmajuiide ja ruhtadanplánii ja prošeaktačilgehus mii válddaha prošeavtta čielga mihttomerii, vuodustusa, eaiggátbeliid, fágalaš sisdoalu, ovdánanplána deahtalaš áigemuttuid ektui, vejolaš gaskkusteami, báikkálaš čatnaseami ja prošeavtta čađahanvejolašvuođa

Meroštallannjuolggadusat:

Sámedikki doarjjaoassi ráddjejuvvo dakkár prošeavttaide/doaibmajuiide main bajimus rádji lea 150 000 ru ja main vuolimus doarjjarádji lea 10 000 ru.

Eanemus doarjja sámi kulturlágidemiide sámi álbmotbeaivvi oktavuođas lea 20 000 ru. Fitnodagat, organisašuvnnat, joavkkut/searvvit ja gielddat ožžot ohcat ruđaid dasa.

Ohccit geain ii leat eará ruhtadeapmi, fertejit meroštallat iežaskapitála prošeaktii. Prošeavttat main ii leat eará ruhtadeapmi dahje iežaskapitála, máhcahuvvojit.

Iežas bargu ii sáhte leat eanet go 20 % dohkkehuvvon goluin. Iežas addosat ja iežas reaidduid láigoheapmi ii sáhte leat eanet go márkanhaddi. Gáibiduvvo ahte diibmalisttat leat vuolláičállojuvvon. Iežas barggu viidodat galgá árvvoštallojuvvoht ohcanáigemuttus ja válddahuvvot ohcamis. Sámediggi árvvoštallá iežas barggu juohke ohcamis.

Sámedikki oassi dohkkehuvvon goluin galgá boahtit ovdan doarjjalohpádusreivves, ja dat lea ráddjejuvvon bajás guvlui dihto proseantamearrái ollislaš ruhtadeamis. Sámedikki ruhtadanoassi ii sáhte leat eanet go dat proseantamearri mii boahotá ovdan mearrádusas dohkkehuvvon ruhtadanplánas.

Ii addojuvvo doarjja doaibmajuiide mat lohkkjuvvojit gullat ásahusa/organisašuvnna doaibmabargamušaide, dahje prošeavttaide mat leat doaibmaláganat.

Ii ge addojuvvo doarjja spesifiserekeahtes goluide, sosiála goluide ja investeremiidda.

Definišuvnnat:

Doaibmagollun lohkkjuvvojit: rehketoallo- ja revišuvdnabálkkážit, reantogolut, divadat, eará finánsagolut, vearro- ja divatgolut, elrávdnji, vistegolut, dáhkádusat, penšuvdnagolut, sosiálagolut, eará gargiidgolut, stivrabálkkážit, stivragolut, fitnodatčoahkkin- ja váldočoahkkingolut, árvonjeaidimat ja -geahpedeamit.

Sosiálagollun lohkkjuvvojit: bargiid skeanjkkat, bargiid kurssat, friija kantiidna ja eará sullasaš ovddut.

Investeremin lohkkjuvvo oamastusoassi mii bistá ja man geavahanáigi lea 3 jagi ja ahte oastinhaddi lea 15 000 ru dahje eanet earret momssa (guoská momsageatnegasaide).

Dorjagiid várás sámi kultur- ja nuoraidorganisašuvnnaide:

Doarjja galgá gokčat goluid doaimmaid oktavuođas. Doaibmagolut, spesifiserekeahtes golut, sosiála golut ja investeremat eai gokčojuvvo.

Ohcamiid árvvoštallan ja vuoruheapmi:

Ohcamat árvvoštallojuvvojit ekonomalaš, márkaniidguoski, teknikkalaš, servodatlaš ávkki, dáiddalaš, fágalaš ja eará guoskevaš beliid vuodul, earret eará leago geavahas vejolaš čađahit.

Ohcamiid árvoštallamis deattuhuvvojit fágalaš sisdoallu, ámmátlašvuohhta ja kvalitehta. Raporterema váilun ovddit áššiin deattuhuvvo.

Ohcamiid meannudeami oktavuodas sáhtá Sámediggi árvoštallat ohcci/doaimma guhkes áiggi birgenlági, stabilitehta, nanusvuoda ja čađahannávccaid. Sámediggi sáhtá viežžat kredihtadieđuid ohcci birra.

Oppalaš eavttut:

Doaibmabidju ii sáhte leat čađahuvvon dahje álggahuvvon ovdalgo Sámediggi lea ožžon ohcama. Erenoamáš ákkaid vuodul sáhtá spiehkastiit dán njuolggadusas.

Fitnodagat, institušuvnnat ja organisašuvnnat mat ožžot doarjaga, galget leat registrerejuvvon Ovttatregistarii Norggas.

Ohcci galgá addit Sámediggái buot dieđuid mat leat dárbbášlaččat vai sáhtá meannudit ohcama, dása gullet maid dieđut eará almmolaš doarjagiid birra.

Ohcci doaibma galgá dávistit gustovaš lágaide ja njuolggadusaide, dát guoská maiddáivearro-, divat- ja rehketdoalloláhkaaddimii.

Maŋŋá doarjjamearrádusa sáhtá leat váldonjuolggadus ahte ii addojuvvo eanet doarjja seamma doaibmabidjui/prošektii.

Doarjjaoažžu galgá almmuhit ahte Sámediggi lea dorjon doaibmabiju/prošeavtta.

Mearrádus ja dohkkeheapmi:

Doarjjareive galgá čállojuvot Stáhta ekonomiiastivrema mearrádusaid mielde, gč. čuoggá 6.3.3.

Mearrádusas galget dasto leat dieđut váiddavejolašvuoda, váiddaáigemeari, váiddainstánsa birra ja lagabui dan birra movt váidit, ja dasto vuoigatvuoda birra geahččat ášši áššebáhpiriid, gč. hálddašanlága § 27.

Doarjjaoažžu galgá ovdal go lea gollan 5 vahku doarjjareivve dáhtona rájes čálalaččat dohkkehit doarjjaeavttuid. Jos Sámediggi ii oaččo eavttuid dohkkeheami, sihkkojuvvo doarjja duođi eanet dieđitkeahhtá. Sus guhte vuolláičállá doarjjaeavttuid, ferte leat fápmudus geatnegahttit fitnodaga/ ásašusa jna.

Gárvvistanáigemearri ja maŋiduvvon áigemearri:

Prošeakta galgá gárvvistuvvot maŋimusat jagi maŋŋá doarjjareivve beaivádeami.

Erenoamáš ákkaid vuodul sáhtá doarjjaoažžu čálalaččat ohcat guhkit áigemeari prošeavtta/doaibmabiju gárvvisteapmái. Ohcan galgá vuodustuvvot.

Doarjjaoažžus lea vuoigatvuohhta oažžut áigemeari guhkiduvvot jos Sámediggi gáibida rievdadit prošeavtta maŋŋá go dat lea álggahuvvon.

Rievdadusat doarjjaeavttuin:

Maŋŋágo lea ožžon doarjalohpádusa, de lea doarjjaoažžus aldis geatnegasvuohhta dieđihit doarjjaeavttuid vejolaš rievdadusaid birra.

Doarjjaoažžu ii sáhte čađahit mearkkašahtti rievdadusaid guoskevaš prošeavttas dahje doaibmabijus ovdalgo lea čálalaččat dieđihan Sámediggái ja ožžon Sámedikki čálalaš dohkkeheami. Dohkkehuvvon ruhtadanplána ja investerenplána rievdadeapmi adnojuvvo álo mearkkašahtti rievdadussan.

EEO:

Sámedikki doarjjaortnegat galget leat EEO-šiehtadusa njuolggadusaid rámmaid siskkobealde stáhtadoarjagiid ektui. Sámediggái gusket EEO-šiehtadusa mearrádusat seamma láhkai go stáhta- gieldda- ja fylkkahálddašeapmái dan ektui movt almmolaš doarjagat galget juolluduvvot.

EEO – njuolggadusat. Eai gusto doarjaga juolludeami oktavuodas organisašuvnnaide:

Doarjja juolluduvvo EEO-šiehtadusa unnibuš doarjaga njuolggadusaid mielde. Njuolggadusat unnibuš doarjagiid birra čuvvot skábmamánu 14. b. 2008 mannosáš láhkaásahusa nr 1213. Dáid njuolggadusaid mielde ii sáhte doarjjaoažžu vuostáiváldit unnibuš doarjaga eanet go oktiibuot 200 000 Euro (su. 1,6 miljon ruvnu 2011:s) seamma dahje eanet gálduin 3 rehketdoallojagi áigodagas.

Ovdalgo doarjaga sáhtta máksit, ferte doarjjaoažžu duođaštit Sámediggái ahte ii leat ožžon unnibuš doarjaga eará sajiin máksinjagis dahje guovtti ovddit jagiin mat oktiibuot oktan Sámedikki doarjagiin gaskamearálačat leat eanet go 515 000 Norgga ruvnu. Vejolaš ođđa almmolaš doarjjaohcamiid oktavuodas (beroškeahhtá gos oažžu doarjaga) lea doarjjaoažžus geatnegasvuolta almmuhit dán doarjaga birra. Dieđihangeasku gusto 3 rehketdoallojagi fáladatáigemeari rájes.

ESA sáhtta geatnegahttit Sámedikki gáibidit doarjaga ruovttoluotta doarjjaoažžus jos doarjja ii leat juolluduvvon njuolggadusaid mielde dahje doarjjaoažžu ii geavat doarjaga dan ulbmilii masa lea addojuvvon.

Máksineavttut:

Jos doarjjaoažžu galggaš oažžut ruđaid, de ferte sáddet Sámediggái máksinávžžuhusa. Sus guhte vuolláičállá máksinávžžuhusa, galgá leat fápmudus geatnegahttit fitnodaga jna.

Doarjja máksojuvvo čuovvovaš eavttuid vuodul:

50 % máksojuvvo dalle go prošeakta/doaibmabidju lea álggahuvvon ja 50 % dalle go mearrádusa eavttut leat ollašuhthtojuvvon.

Jos ohcci ovdal lea ožžon doarjaga Sámedikkis ja doarjjaoažžu lea rihkkon doarjjaeavttuid, de sáhtta dat dagahit dan ahte máksimat bissehuvvojit dassážiigo eavttuid rihkkun lea nohkan. Muđui gustojit Boarásmuvvan gáibádusaid lága njuolggadusat (áššeboarásmanláhka).

Raporteren ja bearráigeahčču:

Doarjjaoažžu galgá reporteret ruđaid geavaheami birra. Sámedikki reporterenmála galgá geavahuvvot.

Rehketdoallu ruđaid geavaheamis galgá čájehit ollislaš goluid ja dietnasa. Dasa gullet prošeavtta/ doaibmabiju eará vejolaš doarjagat ja dietnasat. Rehketdollui sáhtta váldit mielde dušše dakkár goluid ja dietnasiid mat njuolga leat čadnojuvvon prošeavtta/doaibmabiju čađaheapmái. Dalle go lea dohkkehuvvon gollomeroštus, galgá rehketdoallu leat bardojuvvon nu ahte dan sáhtta buohtastahttit gollomeroštusain. Storra spiehkastagaid dohkkehuvvon gollomeroštusa ja rehketdoalu gaskka galgá kommenteret. Rehketdoalu galgá leat vuolláičállán jođiheaddji/ovddasvástideaddji.

Badjel 200 000 ruvdnosaš doarjaga ruhtageavaheami rehketdoalu galgá stáhtaaudiserejuvvon dahje registrerejuvvon revisora duođaštit. Revišuvdna galgá čađahuvvot áiggis áigái gustovaš nationála ja riikkaidgaskasaš revišuvdnastandárddaid vuodul. Revisora galgá identifiseret rehketdoalu ollislaš goluid ektui mat čatnasit doarjagii ja vejolaš geavatkeahces ruđaide. Dasa lassin ahte rehketdoallu lea čađahuvvon válddahuvvon rehketdoalloprinsihpaid vuodul, galgá revisora duođaštit ahte dat eavttut mat gustojit guoskevaš doarjaga geavaheapmái leat ollašuttuuvvon.

Doarjjaoažžu gii lea registrerejuvvon momsaregistarii, galgá rehketdoalus čájehit goluid ja dietnasiid momssa haga. Dát ii guoskka sidjiide geat leat luvvejuvvon momsadivadis dahje ožžot spiehkastit momsadivada rehkenastimis.

Jos loahpalaš golut prošeavtta/doaibmabiju rehketdoalus leat unnit go dat dohkkehuvvon gollomeroštus mii boahdá ovdan mearrádusas, de sáhtta Sámediggi oanidit doarjaga vásttolaččat.

Sámediggi ja Riikarevišuvdna sáhttet dárkkistit geavahuvvojit go ruđat eavttuid mielde, gč. juolludusnjuolggadusaid § 10 nuppi lađđasa ja riikarevišuvdnalága § 12 goalmmát lađđasa.

Doarjaga ruovttoluotta máksin ja sihkkun:

Prošeavtta gárvvisteami oktavuodas galget geavatkeahces doarjjaruđat máksujuvvot ruovttoluotta Sámediggái.

Sámediggi sáhtta gáibidit doarjaga ruovttoluotta máksujuvvot jos dat lea máksujuvvon menddo ollu.

Sámediggi sáhtta geassit doarjjalohpádusa ruovttoluotta dahje gáibidit ahte doarjja máksujuvvo ruovttoluotta jos:

- doarjjaoažžu lea rihkkon dieđihangeaskku
- doarjja ii geavahuvvo daid eavttuid mielde mat leat mearriduvvon doarjjareivves
- doarjja ii leat geavahuvvon juolludusa ulbmila mielde
- lea gáibiduvvon heaittiheapmi, ovddiduvvon reastaluvvangohčus, priváhta dahje almmolaš vealgešiehtadallamat leat rahppujuvvon doarjjaoažžu ektui dahje doarjjaoažžu heaitá máksimis máksámušaidis
- doarjjaoažžu eará duodalaš láhkái lea rihkkon dáid njuolggadusaid mearrádusaid

Jos doarjjaoažžu dákkár oktavuodain ii mávsse ruovttoluotta, de sáhtta Sámediggi rievtti bokte gáibidit máksujuvvot dan mii lea buorin. Jos ruđat eai máksujuvvo ruovttoluotta dan áigemeari sisa mii lea biddjuuvvon, de sáhtta gáibidit maŋŋoneami ovddas reanttuid vel lassin, gč. juovlamánu 17. b. 1976 mannosas lága nr. 100 reanttuid birra maŋŋonan máksima oktavuodas jna.

Evalueren:

Sámediggi galgá jeavddalaččat árvvoštallat oažžun dihte dieđuid dan birra ahte leat go doarjjaortnegat beaktilat resursageavaheami, organiserema ja mearriduvvon mihttomeriid ektui.

